

kat. komp.
17483

I Mag. St. Dr. P

dus
rdinales

Obitui Joannis: Ill^{mo} ac Rev^o D.D.
Bernardo Maciejowski S. R. E. Card.
Ep. Crac. — gratulatio.
Cracoviae. 1604.

PANEG. et VITAE
Polon.

No. 506

1
K
C
S

ILL^{MO} AC REVER^{MO} DOMINO
D. BERNARDO
MACIEIOWSKI S. R. E. CAR-
dinali, Episcopo Cracouien: ac
Seuerien Duci, &c. &c. fausto
omine, post delatum sibi amplissimum Cardina-
latus honorem, Cracouiam ingredienti,

GRATVLATIO:

*A. M. Ioanne Clobucio in Academia Cracouien
Regio Professore, perpetuæ obseruantia ergo
dicata.*



CRACOVIAE
Anno Domini 1604.

GRATVLATIO.



INSOLENTIEM TEMERITA
tisq; vitio subiectum me quispiam
arguet, Cardinalium amplissime :
quòd vnus è schola, ne mediocriter
quidem in dicendo versatus, te tanta
dignitate sublimem, in principem orbis terrarum
Senatum, ingenti patriæ & omnium bonorum gau-
dio, coopratum, gratulationis officio conuenire
ausus fuerim. Nam & si in tanto fastigio serues eam
comitatem, facilitatem, & modestiâ, quæ etiam prin-
cipe viro minor esse videatur: mei tamen erat pudor-
is, meæ verecundiæ, meminisse; non quod tu non
fecisses neque adduci posses, propter naturæ tuæ be-
nignitatem vt faceres; sed quod me facere æquum
fuisset. Æquissimum porrò & ipse existimo de nun-
quam satis laudatis viris, silere potiùs reuerenter
quàm parum eos videri ornauisse. Quòd vulgus le-
gentium tanti virtutes faciat eorum, quanti fecerint
illi, qui eas in litteras mittunt: putoq; id sollicitos
maximè summos viros tenuisse, à quibus nimirum
celebrarentur. Hoc enim est illud, quod neq; à quo-
uis pingi, neque à quouis fingi, Macedo voluerit:
& Sylla ne malì Poëtæ scriptis, contaminaretur po-
tiùs quàm laudaretur, pretio redemerit. Hæc igitur
cogitatio poterat animum meum à scribèdo reuo-
cauisse,

GRATVLATIO.

cauisse; nisi motus quidam animi vehemētior quā
 vt posset inhiberi, à pietate incredibili amorēq; lau-
 dum ac diuinarum virtutum tuarum profectus, om-
 nem meam cunctationem fregisset. Solent em̃ ni-
 mia lætitiæ decoris & grauitatis esse inmemores, ni-
 hilq; nobis tam non licet, quā superfluentem &
 exuberantem animi affectum reprimere. In hac ve-
 rò publica hominum omnium, non solū nostræ
 gentis; sed etiam externarum, ad quas modò fama
 tanti nuncij peruasit, lætitia, num decuisset me non
 esse lætum, atque hilarem? cum sim Academicus
 homo, in quem nihil ornamenti nisi ex amplissimo
 splendore Cancellariatus tui redundare potest; &
 quicquid felicitatis in omni reliqua vita mihi spera-
 tur, hinc tanquam ex fonte sit hauriendum. Cede-
 rent quoque inter clientem & Patronum vincula,
 quæ solent esse arctissima: extorisset à me commu-
 nis Academiæ causa, vt Principi illius vellem, quic-
 quid modo possem ex animo. Nonnē enim coro-
 na Academię Cancellarius est? in quem quantò plu-
 res dignationes confluerint, tantò beatiore, floren-
 tiores, & auctiores nos Academici, tantoq; omni
 nomine bono enmulatiores, euasimus. Nam vt à
 capite omnis vigor in membra cetera; sic omnis
 splendor à Principe, in reliquos ciues emanare con-
 suevit. Si nos igitur ciues tui, & ciues, in Ciuitate
 cui

GRATVLATIO.

cui Dei nutu præes, vicariam tibi operam nauātes,
 cur quicquid in te etiam summum confertur splen-
 doris, nobis commune esse non debeat? cur ab
 hac lætitia, quæ ex tuo Cardinalatu in totum Regnū
 maxima redundauit, nos tua secundum nobiliorem
 partem propago excluderemur? non capit hos
 mores natura tua, non fert humanitas singula-
 ris, vt eos, quos semel diligendos tibi sanctè con-
 firmasti, in summa honorum constitutus, desereres,
 abiiceres, ac repudiales. Quoniam verò ab hac lau-
 de proficisceris, & quicquid es ex hoc es: conuenit
 bonitati tuæ non habere seiunctam à nobis felicitate-
 tem istam; sicut æquissimum nos etiam esse cense-
 mus, quocunque modo tandem possemus, tuo ho-
 nori inseruire pro viriliq; parte agere, vt in hoc loco,
 in quo diuino fauore positi sumus, ratio tibi otij no-
 stri, & quidem nulli alij magis, cōstaret. In qua red-
 denda meam esse occupatam sortem volui, vt ante-
 actæ vitæ tuæ splendorem litteris distinguerem: quò
 intelligere queant omnes, qui in te oculos nunc su-
 stulerunt, summa te omnia expectauisse, antequam
 ea fuisses adeptus: & postquam contigerunt, his fa-
 cultatibus animi & fortunæ te esse cumulatum; vt
 non solum dignitatem virtute partam tueri, sed etiā
 amplificare & ornare abundè queas. Faueat mihi
 quæso insita modestia moribus tuis, quæ quò magis

GRATVLATIO.

omnia encomia, omnes laudationes atq; pāegyri-
cos, etiam ex vetere sæculo, superat, cò minus his ex-
tollitur: nō alia parte beator; quàm quod meretur.

Credo te ipsum Cardinalium amplissime, prima
fama delati tibi augustissimi honoris accepta, diu in
variis cogitationibus admirabundum hæsisse: non
consideratione dignitatis, quæ tibi amplissima qui-
dem; sed non præter opinionem omniū accidit: sed
hominum studii atq; lætitiæ, quæ incredibilem in
modum propè omnium animos limphauit. Hunc
enim affectum, non potuit nisi summus amor, sum-
ma in te pietas, quod tibi maximæ voluptati esse de-
bet, expressisse. Nisi enim amabilē te omni homi-
num ætati, omni ordini; tuis moribus præstitisses,
illum inusitatum, nouum, & insolitum, in omnibus
ferè huius Urbis templis, hominum concursum, qui
ad soluenda vota, pro læto nuncio, delati tibi am-
plissimi honoris accepto; ex omnibus tectis con-
fluxerunt, oculis nostris non contrectassemus. Ad-
huc in votis & in expectatione hic tuus Cardinala-
tus fuit, cū desiderio tanti splendoris ex nostra pa-
tria, orbitate duorum summorum virorum, sublato,
hoc vnum publicis priuatisq; preceationibus, hoc
per omnia templa quotidianis immolationibus,
hoc ad omnia puluinaria solennibus supplicationi-
bus repetitis; hoc vnum religiosi homines, hoc cle-

rus,

GRATVLATIO.

rus, hoc ciues cum coniugibus & liberis á Deo flagitarent, vt decus, fato quodam patriæ ad tempus ademptum, beneficio Clementis summi & optimi nostrisq; rebus fauentissimi Põtificis, restitueretur. Nec defuit votis pro tua dignitate susceptis, numen benignum, quod tantò faciliùs exoratur; quantò, quod petitur, á pietate & synceritate votorum maiore emanauit. Quid autem tam fuit pium, quàm optare ornatam esse amplitudinem Ecclesiæ, in aliquo singulari viro, quem vnicum summa sedes Bernardum Macicouium agnouit, in quo certatim sese ostentant & iactant omnia, quæ vix singula cæteris decus acquirunt. In quo enim vno tot expressa sunt vestigia summarum & excelsarum virtutum? cui aliquando tam largè & quasi virgula diuina omnia sunt suppeditata? cui vel in externis, vel in animi dotibus, tantum Deus optimus Max. indulsit? cui fata tam obsecundarunt, vt quæcunq; adeptus esset vel amplissima, ea illi præter ambitionem, meritò virtutum, vti tibi contigissent? cæteri rogant, prensant, fauores captant, fores primariorum viro- rum occupant, vt ad summa tandem eluctentur: tu expetitus & rogatus, non minimam partem amplitudinis es consequutus. Quota enim parte honoris cumulatam te vidimus, quam publicæ voces, quæ oraculi vim habent, non antecesserint? quæ con-

tentio.

GRATVLATIO.

tentiones pro te etiam inter priuatos, dum quisq;
 suis fauet suscipiebantur? quanti encomiorum cu-
 muli dum hic pietatem, alius humanitatem, pleriq;
 bonitatem naturæ tuæ in cælum vehunt? Quam n.
 sibi exultationem alii extortam esse volunt, tu ip-
 sius nihil anxius tantam habes, quanta & immortalitatis
 metas transgreditur. In felicitatis hæc aliquis
 loco duxerit, ego in virtutum arce colloco, absti-
 nentē agere dignitatisq; incuriosum, & tamen om-
 nia ornamenta vltro consequi. Nam qui sic digni-
 rates adipiscuntur, non possunt non meruisse. Quis
 autem felicitatis suæ magis faber quam tu? cui ab in-
 cunte ætate, omnia studia pro summa gloria susce-
 pta fuerunt. Non enim sola vetustissimæ gentis tuæ
 prosapia, quæ nunc in amplissimo honorū culmi-
 ne per te locata, tantum ad sydera spectat, ad sum-
 mam rerum niti voluisti; (hæc enim pleriq; super-
 bia dicam an ignauia & mollitiæ animi tument) sed
 quātum in te fuit elaborasti, vt quod ex alienis me-
 ritis sibi alii arrogat, id tibi vt ex tua virtute con-
 cedi posset. Sciebas enim maiores omnia quæ licet
 posteris suis reliquisse, diuitias, imagines, titulos, por-
 rò virtutem, memoriā sui præclaram, non reliquis-
 se, neq; potuisse: ea sola neq; dantur dono, neq;
 accipiuntur. Voluebas & illud, ad bonitatem hæc
 non multum prodesse, magis etiam obesse: nisi ex-
honestæ

GRATVLATIO.

honestâ disciplina tanquam ex radice succrescant. Multi enim in sublimi geniti, eos ipsos à quibus orti sunt dedecorauerunt: quia plus in illis, quàm in se-
 ipsis præsidii, ad vitæ splendorem posuerunt; tu sem-
 per magis studio habuisti, tua ipsius decora, vbi pri-
 mum per ætatem & per merita licuit ostentare: mi-
 serum esse ducens alienæ famæ incūbere. Namq;
 sicut animalia bruta, quamuis laudatis parentib. or-
 ta, tamen nemo generosa optat, sed fortia: sic ho-
 mines appellari iure nobiles nequeunt, nisi virtute
 propria commendati. Quod cū exploratum ha-
 beres, pueritiā partim domestica, partim externa
 disciplina nutriuisti, tantumq; in litteris operæ &
 studii posuisti, quantum ad Polyiticum vsū perno-
 bili viro, non solū sufficeret; sed etiam superesset
 Adolescentiā per omnia militaria & castrensia stu-
 dia exercuisti; hastas, vexilla, phaleras, equos, ali-
 aq; militaria dona, quæ adolescenti calcar ad virtu-
 tem addunt, frequentissimè, cumulatus insuper lau-
 dibus Imperatorū, reportasti: in qualibet acie ma-
 turæ virtutis indolem ostendisti, neminē vnum fu-
 isse fama hucusq; ferr cuius magis opera sæpè pugna
 esset restituta, neminem qui acrius hostis iugulum
 premeret, nec alium adolescentem fuisse, cuius stre-
 nuè ac fortiter facta in bello, plura memorari pos-
 sint. Seruant campi vestigia sudorū tuorum, indi-
 cant

GRATVLATIO.

cant arbores refectiones tuas, somnum saxa prætexunt, laudem strenuis, solatium inualidis, exemplū te omnibus dedisti. Hoc sæpè aliis in lingua sedet qui nunquam castra viderunt, nunquā in acie steterunt, nunquam deniq; tubarum sonū nisi in spectaculis audiuerunt, quod tu factis & re ipsa præstisti. Quo nomine longè primus bello, Polonæ iuuentutis habitus es, nec gloriosius vlli actam adolescentiam posset quispiam memorare. Quid enim vnquam præceps, quid temerarium, aut per insolentiam animi superbum, quæ vitia adolescentiæ sunt propria, in te fuit animaduersum? Magna quædam exempla iam in hanc ætatem cadebant, quorū meritò à tuis quidem fauorem & studium conseq̃uebare; hostibus terrorem iniiciebas. Hæc belli decora: te ex castris in aulam principum, ad captandam rerū maiorum occasionem dimiserunt; hæc tibi aditum ad gratiam Serenissimorum Regum, & Imperatorū quibus notior ex fama, quam ex facie esse studuisti præstruxerunt. Accessit ad beneuolentiam promouendā, quod ea ætate te aula tradidisses, quæ oportuna Principum obsequiis, exercita rebus, valida v-sibus, integra ad omnia obeunda & sustinenda, satisq; per se instructa, omni rerum gerendarum facultate esset: & in quam nihil molle, ob industriam; nihil dissolutum, ob grauitatem; nihil præceps: ob ingenii

GRATVLATIO.

Ingenii acumen, potuit irreplisse. Quamuis enim non deerant (vt sunt infinita & quidē in aula) quæ iuuentam tuam sollicitare ad deuia possent: tu tamē quasi iam satis maturuisses, ad omnes Syrenū blandicias tanquam fortis & prudens Vlysses aures obstruxisti: cætera omnia præter virtutem, insidias existimans. Quis enim negare potest, multas peccādi occasiones iuuenem sequi, & quidem pernobilem circumstant opes, adsunt corruptores, adulatores: hystriones, qui florentis ætatis arcem petunt: dum hic conuiuia & magnificas mensas prædicat, ille corporis dotes celebrat, alius fortunas & latifundia cōmemorat, parsimoniā damnat: frugalitatem ad orcum relegat, & quibus potest artibus, vt naturæ & fortunæ bonis abutaris suadet; ad hæc & alia eiusmodi, nescio quis non moueretur, quamuis saxeus esset: at tu quæ summa continentię tuæ laus semper fuit, hæc tanquam indole tua indigna, & barbaris potius quàm ingenuis persuadenda, omnibus execranda modis duxisti: vt iuuenis ostenderes, qualis mox vir eras futurus. Non est dubium, quin legeris Scipionem viginti quatuor annorum Prætorem, in Hispaniam missum, Carthaginisq; victorem, non tantum gloriæ ob eam victoriam tulisse; quantum ob virginem pulcherimam, ad cuius aspectum concurrebatur sponso suo restitutam. Nec te præteribat,

GRATVLATIO.

plus laudis Alexandro illam erga filias Darii continentiam peperisse; quàm bella per totum orbem gesta. Quid enim præterire te potuit, omni liberali doctrina ab ineunte ætate imbutum, & veteris anteriorisq; memoriæ scientissimum, & qui vtraq; laude florere semper velles, vt & Reipub. seruires & litterarum studia non omitteres. Non eos homines sequutus, qui sic se litteris dedunt, vt res cæteras parui faciant, quales fuisse Democritũ, Diogenemq; constat, qui sibi duntaxat uixerunt; sed illos omni laude cumulos, Platonem, Demosthenẽ, Ciceronem, Plinium, qui quod ex litteris hauserunt, in administranda Repub. exercebant. Idem & tu statim à prima adolescentia faciebas, nunc arma tractasti, nunc consilio adfuiisti, nunc iudiciis præfuiisti, nunc rem familiarem respiciebas, & in his omnibus quid valerent litteræ experiebare: ocii utilitatẽ cum negotii cõmodo coniungens, miramq; de te spem omnibus, sed præcipuè Principi, cui approbari omnia studia viri aulici debent, faciens. Turpe enim duxisti eas dotes, quas natura ad cõparandas bonas artes, huic ætati tribuit, in ocio, fædisq; voluptatibus consumere: quod vel maximè iuuentutem deceat probitas & industria, non sumptus, non diuitiæ non tumor inanis aut præsumptio. His enim malis ætas hæc eneruata, miserã senectutẽ expectat: à quo infelici-

GRATULATIO.

infelicitatis genere, vna te virtutum omnium custos
modestia asseruit. Quando enim tu nimium atq;
immodicè, qui feruor etati huic inest, de tuis operib.
meministi? Est quorundam iuuenum hæc demens
vanitas, vt cum nihil nisi perperam fecerint, magni-
fica utiq; verba de se exorsi, nullum finem faciant:
quasi quemadmodum de suis rebus meminisse; ita
& aliis audire sit iucundum. A te porrò nihil tam a-
lienum semper fuit, quàm personatū & fictum ho-
minem agere proindeq; quos semel in consuetudi-
nem tuam admiseras, semper amicissimos habuisti:
neq; minimum morum acerbitate, quod frequens
in amicitia est vitium, aut abalienasti, aut perdidisti.
Magna hæc est & rara in amicitia virtus, non com-
mittere vt odio dignus aliquādo videri possis. Nam
si Socrati credimus, inuidia in amicorū prosperitate
regnat, huic verò vel in aulis præcipua est sedes: vbi
quo quisq; ex fama spectatior, eo infra se positus in-
uifior. Hæc te pestis per omnē dignitatum decursū,
ne quidem attingit. Primus honor aulicæ militiæ, tibi
non sine ornamento insigni iuuenilis decoris con-
tingit, vt vexillum Regi, si quando illum in bellū e-
xire necesse esset præferes nō est facile dictu quàm
mirè te decuit: Erat facies liberalis multo rubore
suffusa, ingenua toti corporis pulchritudo, & quidā
Senatoriū decor, adhæc proceritas decētissima qua

GRATVLATIO.

sic procul eminebas, vt Hesperus inter sydera: præ-
 terea nullus horror in vultu, nulla tristitia, multum
 iuuenilis gratiæ, oculi clari ac nitidi; os verecundū
 & rubidum, vultus serenus & tranquillus, reliqua
 deniq; membra adeò incredibili harmonia inter se
 consentientia, vt qui semel Maciciouium vidisset,
 non faciliè memoriam ipsius deponeret: quæ licet
 fortuita & inania putentur, tibi tamen illud ætatis
 plurimum admirationis acquirebant. Rectè dicunt
 Philosophi: Non posse turpem animum in eximio
 corpore habitare: siquidem rarò improbitas in e-
 gregio corpore fuit comperta. Quo magis tibi lau-
 di est, quòd ad eam corporis dignitatē, singularem
 bonitatem adiungeres: qua non solūm tui similes;
 sed etiā senes prouocabas: quorū authoritati bre-
 ui eras exæquandus. Quid enim vidit aula te veri-
 us, quid simplicius, quid candidius, quid fidelius?
 Non potuit sustinere diutiùs hunc virtutum splen-
 dorem, locus ille quem tum obtinebas: subinde a-
 liæ dignitates sequutæ sunt, alia atq; alia rerum ne-
 gotiorumq; mole, humeritui onerabātur: robusti
 quidē ac ad omnes rerum difficultates benè firma-
 ti, quibus tamen alius succumberet. Nihil difficile
 sine te actum, nulla maior res absq; te tractata, à nul-
 lo consilio excludebaris, quæ, quantum in aulica
 praxi versatus fueris, satis arguunt. Inspirauit tan-
 dem De-

G R A T U L A T I O .

dem Deus, immisitq; in mentem tuam, cogitationem de vitæ tranquillitate & vera felicitate: quòd pusilli animi duceres inaurari: & mens tua generosa atq; alta ad cælestes thesauros anhelaret. Obtinuisti proinde vacationem, sed ab aulæ muneribus tantum, vt sequentibus sublimioribus melius te consecrares. Sacerdotio itaq; honestissimo in amplissima Ecclesia Cathedrali Cracouiens. ornatus, totum te sacris deuouisti: & quod diu parturiebat animus cultum diuinum vnicum vitæ portum delegisti: exemplo prælucens, & omnes virtutes veri sacerdotis implens: nemini deuotione assiduitateq; orandi, nemini pietate cedebas: nemo animum puriorem castioremq; ad faciendam rem diuinam attulit, nemo maiore zelo Ecclesiam propugnauit, nemo pro religione magis animatus fuit, nemo ad extremum Sacerdotii fructibus melius est usus. Contemptus pecuniæ tantus: vt nihil præter necessaria diurno victui seruares: pauperum tam frequens sustentatio; vt nullius domus hoc genere hominum magis impleretur. Somnus, cibus, potusq; modicus, & non ad voluptatem, aut facietatem; sed ad necessitatem, aliquando etiam infra sumptus. Itaq; omnes ex Collegio amplissimo Crac: Canonicoꝝ quemadmodum par erat, te venerabatur, diuiniq; vigoris quiddam tibi inesse credebant: his verò tu dotibus ad
augusti.

G R A T U L A T I O.

angustius Ecclesiæ theatrum ferebare: nō enim diū
 tantam virtutem angustis arctari finibus passus est,
 Rex Optimus & sempiterna memoria dignissimus Si-
 gismūdu III. cuius immortalia in Remp. facta, mul-
 tæ res præclare gestæ, & administratæ loquentur;
 sed fecit quod sapientissimi Principes in opti-
 mē constituta Republica facere solent, præmia
 benè meritis constituunt, vt reliquos ciues, ad bo-
 nas artes acuant: & solatia gloriosa obiectant, ne
 sit graue, etiam duram in Reipub. rebus provinci-
 am sustinere: Ecclesiæ Luceoensi te Episcopū: &
 Reipub. Senatorem dedit: cū esset paratissimus e-
 tiam opimo magis aliquo præmio, virtutem tuam
 & eximia in Rempub. merita cumulare: quod dila-
 tum ad tempus, quoad se occasio daret, nemini ma-
 iorem animi molestiam, quàm studiosissimis Reip.
 peperit. Nemo enim nescit, prospici in posterum
 industriæ, si boni honorentur, & primos quosq; titu-
 los in Repub. adipiscantur. Nam sicut cadunt in
 irritum labores, si præmia laborum soli assequan-
 tur, qui laboribus non affuerunt; ita intenditur
 industria, si meritis cuiusque merces respondet.
 Nulli enim magis Rempub. arrodunt (Tiberius
 dicebat) quàm qui subsidia minimè merendo ab
 illa expectant: sibi ignaui, ipsi graues. Atqui tuus
 honor, omnium bonorum spem confirmauit, qui
 adire

GRATVLATIO.

adire periculum virtutis suæ existimabantur, si vni
 MACIEIOVIO iudiciū Regis nutaret. Verū enim uerò
 non tam sunt aduersa virtuti fata, non tam imme-
 mores æqui & iusti qui rerum potiuntur, quin sua
 corda ad bonas ciuium artes liquefaciant. Hic mihi
 quanta copia se offert, commemorandi ea, quæ
 pro Ecclesiæ ac Reip. ornamentis amplificadis ges-
 seris, simul atque ad apicem Episcopalis dignita-
 tis peruenisti. Quis tuam sanctitatem in vita, graui-
 tatem in moribus, in dictis & factis authoritatem,
 pro maiestate ornauerit? Cælitus demissum, aut ex
 vetere memoria aliquem Episcopum suscitatum, ho-
 mines dicebant. Quis enim vnquam verioribus af-
 fectibus Episcopum expressit? Quis magis pater-
 nos spiritus erga Diocæsianos gessit? Rude illud est
 genus hominum, & armis ferox, quod te priorem
 Episcopum sortitum fuit: sed non minùs quàm pa-
 tri, & verissimò animarum curatori, vsque ad extre-
 mam submissionem obnoxium, ita tibi partim libe-
 ralitate tua, partim amore deuinctum; vt nulla gra-
 uitas dicendi exprimere queat, quanto illi dolore te
 dimitterent, in tua vel Reipub. causa, aliquo abeun-
 tem, quanta sollicitudine prosequerentur absentem,
 quàm anxiiis votis desiderarent morantem, quanto
 gaudio exciperent redeuntem. Testes esse possunt
 illæ insignes tuæ ad Sanctissimos Syxtum V. &

C

Gregori-

Gregorium xiiij Romanos Pontifices tota Polonia, sermone omnium celebratissimæ, gratulandi causa, nomine Sereniss. Regis Sigismundi III. susceptę legationes, quantum desiderium tui in omnium bonorum animis absens excitaueris. Porro quantā celeritatē in munere hoc conficiendo adhibueris, quāto cum splendore Urbium parenti pedem intuleris, quanta magnificentia, pro patriæ & Sereniss. Regis honore ibi egeris, quanta dicendi grauitate, orationis maiestate functus oratoris officio, apud supremum Senatum, ipsosq; Sanctissimos fueris, quæ verba, quàm paterna, quàm benigna, quàm Romanis Pontificibus digna, retuleris, vsque in Poloniam tantæ rei, per te gestæ litteræ & nuncij afferebantur, & ad posteritatis memoriam factum deuoluetur. His enim legationibus, eam gloriam es consequutus, quæ vix cælo capi posse videatur: hac Summorum Pontificum, hac Serenissimi Regis animos mirandum in modum tibi concilia-
sti, hac Rempub. pro tuo honore sollicitam, recreasti, hac omnium ordinum voluntates ad amplificandam tuam dignitatem conuertisti. Nihil enim in priuatā gloriā ex his legationib. deriuatum esse uolui-
sti, solaq; operis locatio tua, splendor autē Reip. & Sereniss. Regis fuit. Multa supprimo, quę se ipsa produnt, supprimique grauitè ferunt. Dimissus
namque

namque ex Vrbe es, non dicam quanto & quam
splendidissimo comitatu, quam frequenti summo-
rum virorum tibi in Poloniam faustum reditum
precantium & singularibus votis tuum iter profe-
quentium concursu: quo genere officii, præsertim
apud externos, quid potest esse iucundius, quid plau-
sibilis? Hæret credo hærebitq; semper animo tuo
illius temporis recordatio, quo ad amicitiam cum
viris in Italia primariis, adglutinandam, tum primū
aditus est tibi patefactus. Quæ nominis in externos
propagatio, quantum habeat & ad vitæ splendorem
& ad authoritatem parandam momenti, istis est no-
tum qui istius generis hominum noticia & consue-
tudine in Repub. florēt. Sic igitur legationib. per-
functum, magno animi gaudio patria reducem atq;
incolumem conspexit, nec quod rediisses modò; sed
quod de summa voluntate summæ sedis, incredi-
biliq; studio in hoc Regnum, Maiestatem Regiam
certiorem fecisses: atque ita omnia ex animi sen-
tentia confecisses, vt quid ad cumulum addi posset,
non haberetur. Gloriosum hoc tibi, non solum id
temporis, quando inuidia præclara quæuis gesta in-
uadit, sed etiam apud posteros, suum cuique decus
sincerè rependentes, si hîc te consistere tua virtus pa-
teretur: sed longè plura tibi pro immortalitate no-
minis restabant aggredienda, longè maior rerū mo-

ies te manebat, postquam ad Ecclesiam tuam redi-
isses, quam vt resalutasti, omnes te vt solem ad se re-
deuntem, à quo colorari solebant aspexerunt, satia-
reque satis oculos præsentia tua luce clariore non
potuerunt. Redibas enim pastor ad gregem, pater
ad filios, medicus ad ægrotos, patronus ad clientes,
benefactor ad egentes, grauemq; pectoris sollicitu-
dinem, qua per absentiam tuā conflictabantur præs-
entia discutiebas. Sensisse te puto inuitis genis e-
rumpentes lacrymas, ac parum dissimulata lusp iria:
cūm frequenti multitudine cleri, nobilitatis, plebis,
ad te salutandum esset concursus: cūm vnusquisq;
pro se certaret, vt & affectu maiore, & gaudio effi-
caciore tibi suum officiū declararet: cūm tu quoq;
neminem tristem à tuo conspectu dimitteres, pater-
nè omnibus benediceres, & ad religionis constantiā
grauiter hortarere. Hoc est veri Pontificis munus,
non contundere animos hominum ac deprimere;
sed fouere atq; attollere, facemq; ad lumen veritatis
errore lapsis præferre: Quod tu sic imples, vt æqua-
ri tibi hac solitudine nemo possit. Testes sunt per
te Ecclesia, ad formam augustiorem reducta, cultus
diuinus pristino decori restitutus, clerus emendatus,
pietas propagata, quæ singula quò minore acerbi-
tate, maiore autem clemētia perficis, eò maius desi-
deriū tui relinqui in animis posterorum cupis. Quò
quique;

quisq; enim est melior qui rebus præest, cò beneficiis magis quàm remediis, liberalia ingenia experitur. Hunc tu cursum tenes, nec est mirum quòd flexibiles quacunq; in partem à te ducimur: eoq; obsequii continuatione peruenimus, vt propè omnes vnus moribus viuamus. Maçte hac lenitatis gloria, qua consequutus es, vt te omnes non minùs quàm seiplos ament, nihil periculi tui caussa detrèctaturi, si experiri velles siq; hoc genus studii pictas tua non refutaret. Iam etiam illud planè paternum habes, quòd vt vno te nihil excellentius, ita te vno nihil moderatius, nihil clementius, nihil exorabilius, solusq; videris inter cæteros, non aliter atq; Rex inter apes, aculeo carere: nec pungis nisi ad salutem, adeoq; paternum affectum in subiectos tibi geris, vt & fontibus cupias parcere, si modò velint ipsi resipiscere. Quid enim in factis, quid in voluntate tua est animaduersum, quòd sæuitià, quod acerbitem saperet: vt planè liqueat, singularem istam animi lenitatem, non esse assumptam, sed perpetuam, & verè natiuam ac genuinam: neq; minus quàm ab acerbitate, à reliquis vitiis abes, fastu, insolentia, assentationum studio, non auras plausuū publicorum captas, non te mendax assentatio titillat: quo fit, vt quicunq; ad te conueniūt, ad vsum munusq; conueniant. Iam illa etiam virtus tibi in cèlo

sedem parauit, quæ sola Episcopis propria, & quæ
in populum nulla æquè grata, beneficentia nempe,
quæ tanta in te elucet, quantam vix Regum opes sus-
tinerent. Vt tuis detrahis, vt in publicum ma-
gnificus sis, hominibusq; iis maximè prodes, quo-
rum opera vel Ecclesiæ, vel Reipub. est frugifera.
Nam quæ temporum iniquitas, obruet magnificam
illam tuam voluntatem, qua patrimonii tui iustam
partem, Collegio Patrum Lublini, perpennis tēpo-
ribus donasti? vt & Doctores iuuetutis, & Deo va-
cantes haberent, vnde necessitatibus suis prouidere
possent. Neq; vnum hoc liberalitatis tuæ bonum,
sed infinita alia, non solùm per Poloniam; sed etiam
per Italiam lucent. Non enim vnum aliquod bonū
vno die præstas, sed per singula ferè horarum momē-
ta, aliquid largiris, aliquid das, quod te in dies ma-
gis ac magis beet. Nolo recēlere plurima exempla
eorum, quos fortunæ tuæ viribus in maius extulisti:
& quorum egregias virtutes, splendore fortunarum
tuarum illustrasti, amplificasti, auxisti, & in ore ho-
minum atq; in famæ honore posuisti. Honor te æ-
ternus annalium hoc nomine, non ista brevis præ-
dicatio manet, nec tam breui monumentorum ge-
nere; sed longè locupletiori & vberiori tanta virtus
æternitati mandabitur. Obstat verecundia quo mi-
nus singula percenscam, & tua amplitudo parua nō
capit

G R A T U L A T I O.

capit: quæ eò virtutum gradibus ascendit, vt non possit nō ab omnibus melius videri, quàm à me celebrari. Cùm igitur tali te Episcopo, Luceorienſis Ecclesia diu læta frueretur, cerneretq; se diutius frui non posse: ob maiores in dies & clariores virtutes tuas, quarum fama per omniũ ora frequens erat, & Serenis. Regis voluntas, vsq; adeò in te propenderet, vt quoties de ornãdis viris de Repub. benè meritis cogitaret, tu vnus maximè illius animo occurreres; te tantũ esse sciebat, vt nulla res sit, quam non & consilio regere, & auctoritate tueri, & virtute conficere posses: in teq; vno & Pontificis, & Senatoris veri Ideã expressam esse cerneret: vt hoc iudicium suum de te aliquo testimonio honorifico cõprobaret, ad Ecclesiam Cracouiẽ. à Luceorieẽ. te transtulit: tripliciq; honore te simul beavit, vt scilicet & Episcopus primarius, & maior inter Episcopos Senator, & Cancellarius Academix nostræ esses. Qui honor adhuc tibi cum maiorib. tuis summis in Repub. viris cõmunis est; illud in hoc honore tibi proprium, quòd sic agas vt nemo tibi sit inimicus, nemo tuum dictum aut factum minimum carpat, nihil in te quòd reprehendat inueniat, quæ rara mentis est felicitas. In aliis ferè quod laudes eligendum est, quẽdã arte declinanda ne incurras, idq; etiã in iis, qui inter optimos numerantur; tu tanta in-

nocen-

GRATVLATIO.

nocentia es, vt non vitium aliquod seu nebula,
reliquum vitæ splendorem obscurauerit, tanta con-
scientiæ tuæ puritas, tanta concordia, tantus con-
centus, vt nihil referat, quid vituperetur apud te,
aut quid prædicetur in te. Si pietatem spectes, quid
sanctius? si doctrinam, quid prudentius? si inno-
centiam, quid simplicius? quæ quamuis singula præ-
clara, nihil tamen fers impatientius, quàm qualia
facis, talia de te prædicari. Iurisdictionem quod at-
tinet; quanta hîc religio æquitatis, quanta legum
reuerentia, tam assiduus in tribunali es, vt labo-
re refici & reparari videaris. Quis idem curæ at-
que sudoris lumeret? Quis ad eò loco suo aut
deseruit aut sufficit? nullus tibi labor durus est,
& quamuis veteribus negotiis noua accrescant, ac
tot quasi catenis, maius in dies occupationum a-
gmen extēdatur, tamen tu nihil lassaris, nec sub tan-
ta mole rerum succumbis. Nulla in audiendo dif-
cultas, nulla in respondendo mora, adeunt statim,
dimittuntur statim. Iam in omnibus cognitiomi-
bus, quàm mitis seueritas, quàm non dissoluta cle-
mentia: nimirum non tibi; sed hominibus geris ma-
gistratum; possumq; liberè dicere, te esse vnicum,
in quo nititur salus subiectorum. Neque solùm
in teipso sanctimoniam istam exhibes, verum etiam
candem in his quos in partem muneris assumpsisti
requiriss.

GRATVLATIO.

requiris: haud ignarus, Episcopo alienam quoque culpam esse præstandam, non tantum ipsi ab omni contagione vitiorum abstinendum. Etenim iuxta turpe putas, quid agat is, cui vicem tuam delegâris, vel nescire, vel negligere; quo fit vt nemo tuorum, spe te celandi, peccet, aulamq; non minùs tuâ quàm teipsum integram & castam conseruas. Porro quem animum in Rempub. geras, quis comprehendere litteris potest? sic in consilio versaris, vt nihil nisi salutare patriæ suadeas, nihil nisi gloriosum ipsi in cogitationem admittas: sic verba facis, vt omnes & affectus tui in Rempub. & iudicii experimentum quantum maximum capere possunt capiant. Tantum enim rerum, tantum exemplorum, tantum antiquitatis tenes, quantum ad maximas res gerendas sufficit. Sedet in animo tuo Reipub. dignitas, nunquam ab illius custodia oculos dimoues, nunquam vlli rei plus inuigilas: adsueuisti tecum calculum ponere, sic exire, sicq; redire, tanquam rationem redditurus. Nullum esse impendium magnificentius putas, quàm quod in Rempub. erogatur. Hæc est virtus Senatoris immortalitatem meritori, qua tu sic nites, vt omnibus lucem ipsius præferre possis. Iam in Academiâ qualis Cancellariatus tuus? nonne munificus? Non est opus commemorare, quem honorem dicendi Magistris, quam dignationem sa-

GRATVLATIO.

pientia Doctoribus habeas, vt sub te vires studia re-
 ceperunt, vt in amplificanda dignitate Academica
 totus versaris; breui ambitu verborum hæc nemo
 comprehenderit. Non exulant sub te litteræ; sed
 florent, non decreſcunt; ſed augentur, & in maius
 decus, te dante manum nituntur. Quo magis ſpe-
 rare debes, vices tibi ſuas repenſuras, & ad immor-
 tales tuas virtutes ornandas lumen allaturas, ſeriaq;
 carmina, & nobiles panegyricos meditaturas: tu
 modò perſta in propoſito illis benefaciendi, & pro-
 babitur nihil feracius & vberius, non modò ad lau-
 dem; verùm etiam ad nominis memoriã ſempiter-
 nam, litteris dari poſſe. Reliqua enim rerum no-
 ſtrarum, alium Dominum vbi deceſſerimus ſortien-
 tur: at quæ litteris ad memoriã poſteritatis tranſ-
 miſſa fuerint, nunquam noſtra deſinent eſſe: quod
 te adeò non fugit, vt vel in hoc præcipuè omnes tu-
 as curas conſumas. Habes enim ante oculos mor-
 talitatem, à qua vindicare te, cùm factorum inſigni-
 um celebritate; tùm litterarum monumentis cupis.
 Iam illud etiam eſt in te ſingulare, quod bona inge-
 nia adeò promoues & prouehis, vt vel ſola hæc vir-
 tus, cælo te inferre poſſit. Neq; enim vlla benefa-
 ciendi prouincia, merita hominum magis Deo ap-
 plicat, quàm quæ in doctis ornandis & augendis con-
 ſumitur. Hoc eſt ſingulare decus tui nominis, hoc
 lumen

GRATVLATIO.

lumen maiestatis tuæ, quod te ab omni obscurita-
tis nube, perpetuis sæculis est vindicaturū. Repul-
lularunt sub te honesta studia, reuixerunt ingenia,
certatimq; moliuntur egregia tua decora memoriæ
sempiternæ consecrare, idq; non caducis titulis, aut
operosis structuris quas conficit vetustas, cōtemnit
aut etiam carpit posteritas, sed illis monumentis, in
quæ sola non liceat neq; ventis, neq; imbribus, imò
quæ ipsa ætate magis ac magis illustrantur. Æquum
enim est, vt quos tuis sumptibus alis, partim hîc,
partim alibi, illi vicissim memoriam tui in omnem
eternitatem alant & disseminent; facientq; hoc sem-
per, nec vnquam in hoc opere animus illorum de-
fatigabitur. Neq; verò hoc vno beneficentiæ gene-
re tantùm es contentus, (nimis em̃ angustè videretur
liberalitas tua decurrere) sed passim in omnes qui
opis tuæ indigent liberalitatem exerces, hauriunt
omnes tâquam ex fonte inexhausto, quod sibi com-
modum sit, quamuis tu non exarescas: hacq; virtu-
te adeò ingentem hominum multitudinem tibi ob-
strictam tenes, vt vel sola niti ad omne decus possis.
Namq; ea facis, quæ hominum amorem & reueren-
tiam tibi conciliant, nihil ad ostentationem, omnia
ad conscientiam refers, recteq; facti tui non ex po-
puli sermone mercedem; sed ex facto petis: quod e-
go arduum imprimis, & præcipua laude dignum esse
puto;

GRATVLATIO.

puto: indeq; tibi clarum & duraturum æternitate nomen effloruisse assero. Jam & illud multum ad populum gratiæ habet, quod sis obuius, & expositus, plenusq; humanitate, & quantum mihi datur cernere, multa in te eminent atq; elucent, quæ omnium animos adficient, sermo varius, dulcis in primis, & qui repugnantes quoq; ducat & impellat. Porro cum cætera vita, tum vel hoc vno magnus es, quod dignitatis princeps etiam humiles personas in tuum conspectum admittis, & benignè de rebus illorum cognoscis, verasq; quenquam à te repellere: quod vel ita rarum in principibus viris est, ut pleriq; contaminari se, & principes esse desinere putent, si homuncionem aliquem in suum conspectum admittant: oblitum in tanto fastigio, quod & ipsi homines sint, & hominum causa in summum euecti: ad te porrò tanquam ad clarum & beneficum sydus, omnes aduolant, obijcere se pro te mucronibus insidiantium parati; quem fructum virtutis existimo ego esse maximum isq; tibi adeò constat, ut nulli magis. Ex hoc incredibili hominum in te studio ille zelus pro tuis omnibus ornamentis fluxit, quod nullam tam magnam dignitatem esses consequutus, qua maiorem tibi non optarent. Quæ etenim oratio tam felix, quod ingenium tam fecundum vnquam fuit, quod plausum illum publicum incredibilemq; vniuerso-

GRATVLATIO.

rum lætitiā queat exprimere: quādo Cardinalem te creatum, in hac Vrbe proclamātū fuit: qui amoris ardor, qui stimuli, quæ faces, illas acclamationes subiecerunt: quando primum indumenta coccea & purpurea accepisti, & tanquam sydereus ac cælestis emicuiſti. Non hominum ingenii, sed tuæ virtutis tuorumq; meritorum voces illæ fuerunt, quas nulla adulatio inuenit, nullus terror expressit. Testis ipse es, quæ in omnium ore lætitiæ, qui clamores, cū nō solūm templa, sed etiam tecta vocibus resonarent, nihilq; tantis acclamationibus satis clausum esset: cū à vi gaudii omnis ætas omnisq; sexus auferretur, nec senes imbecillitas, nec virgines pudor domi teneret, quō minùs exilirent gaudioq; omniū gauderent. Quæ animorum effusio nonnē tibi pro argumēto est, Diis immortalibus tuas virtutes curæ esse, quibus tam gloriosa solatiā cōtigerunt. Quanta à te ex tam sublimi loco præsidia, tum in Ecclesiā, tum in Rempub. expectētur, tu ipse pro tuo acumine vides: nam quæ tuæ est prudentia, grauitas, constantia, celeriter te omnia à Repub. & Ecclesiā incōmoda repulsurum putāt: nouerunt omnes animi tui sensum, ad omnem optimarum actionum laudem, & veræ gloriæ cumulum vndiq; colligendum satis excitatum; nouerunt vitæ summa cum dignitate actæ institutionē; nouerunt te sumum & singulārē virum

GRATVLATIO.

in omni negotio apparuisse; nouerunt qualis domi,
qualis foris, semper fueris; nouerunt fidem & integritatem tuam, neq; dubitant quin omnia quibus tantummodo tuam industriam applicaueris, felicissimè sint cessura. Et quoniam assequutus es nomen, quo nullum augustius inueniri potest, tantusq; iam es, vt & animi & fortunæ bonis õnes excesseris, pro explorato quisq; habet te huic amplissimo splēdori, non solum responsurum, verum etiā ad eum cumuandum, ex tāta virtutum copia, plurimum momēti allaturum: quam mentem tibi vt velit esse Deus Opt. Max. perpetuam, & Ecclesiæ, & Reipub. interest maximè. Quibus vt hic amplissimus honor tuus, ad ornamentum & præsidium cedat, tuis omnibus ad solatium, tibi verò ad meritum, faxit idem Deus Opt. Max.





